

Dani ^a in Somna consistentes, cum eis non daretur
supradictus census, receptis obsidibus, ad Anglo-
Saxones navigant; a quibus profligati atque repulsi,
alias partes petunt. Hi vero Dani qui in Rhodano
morabantur, usque ad Valentiam ^b civitatem va-
stando perveniunt; unde direptis quæ circa erant
omnibus, revertentes ad insulam in qua sedes po-
suerant, redeunt.

Hludowicus, Karlus et Lotharius reges Kalendas
Iunias apud castrum quod Confluentes vocatur con-
veniunt, ibique de pace inter se diu tractantes,
tandem concordiam atque amicitiam ipsi per se iu-
ramento firmant. Hludowicus, imperator Italiae, suo-
rum factione impetitur, et ipse contra eos ac contra
Beneventanos rapinis atque incendiis deservit.

Dani ^c qui in Rhodano fuerant, Italiam petunt,
et Pisas civitatem aliasque capiunt, deprædantur
atque devastant. Lotharius rex, metuens avunculum

A suum Karlum, Hludowico regi Germaniæ sociatur,
atque ob eandem societatem partem regni sui, id
est Helizatiæ, tradit. Uxor Lotharii, timens odium
viri sui atque insidias, ad fratrem suum Hucbertum
in regno Karli aufugit. Karlus rex monasterium
sancti Martini filio suo Hludowico largitur.

DCCCLXI.

Dani ^d mense Ianuario ^e Lutetiam Parisiorum et
ecclesiam sancti Vincentii martyris et sancti Ger-
mani confessoris incendio tradunt; negotiatores quo-
que per Sequanam navigio sursum versus fugientes
insequuntur et capiunt. Alii quoque Danorum pira-
tæ Tarvanensem pagum adeunt et devastant.

Quarto Kalendas Aprilis luna post horam noctis
B octavam tota in nigredinem vertitur. Karlus rex
filium suum Lotharium claudum in monasterio
sancti Iohannis ^f clericum fieri iubet.

NOTÆ.

^a Cf. Chron. de gestis Norm.

^b Valencea.

^c Cf. Chron. de gestis Norm.

^d Cf. idem an. 861.

^e Potior fides habenda Aimolno, monacho sancti
Germani, qui hoc tempore florebat. Is enim in Histo-

ria miraculorum sancti Germani Paris., lib. II,
num. 10, hoc excidium accidisse tradit die sancto
Paschæ. BOUQUET.

^f Id est in monasterio Reomaensi. Lotharius etiam
ejusdem loci abbas fuit, itidemque monasterii sancti
Germani Antissiodorensis. BOUQ.

VERSUS SANCTI PRUDENTII.

(Apud Camuzat., Promptuarium ant. Tricass. diocæsal.

Augustam Thrici [f., rini] nutu statuere monachi
Augusti, quondam Romulæque manus :
Ac Domini Christi cunctum radiante per orbem
Nomine Christicolis conditur alta domus,
Quam pulvis Petri decorat, Paulique verendus,
Culmen apostolicum qui pietate gerunt.
Hinc ego devoto famulans Prudentius actu
Hoc Evangelii solvo libenter opus
Hesperia genitus, Celtas deductus et altus
Pontificis trabeis officioque datus.
Quattuor afflato supero quod lumine scribæ
Veraci nimium composuere stylo.
Initiis [Principiis] Christum variis ac sine fatentes,
At non disparilli gesta beata fide.
Virgine Matthæus hominem gennente Maria,
Mandantem gentes instruique refert.
Fine tenus seclis sanctos comitarier omnes,
Spondentem semper adfore, seque suis.
Altithroni Marcus subolem fremituque leonis
Scandentem pulso celsa sopore canit.
Discipulos autem mundum peragrasse docendo,
Doctrinam signis ac stipulasse novis.
Conceptum Lucas reboat Spiramine sancto
Oblatum vitulum dira subiisse crucis
Ast illos celebris trivivise sacraria templi,
Perciperent donec, æthere dona Patris.

C Verbum Joannes prævertens tempora prima
Atque hominem factum, esse simulque Deum.
Præpetibus pennis aquilæ volitando perennem
Intuitu solem non hebetante tuens
Commissis ovibus pascendi munere Petrum,
Tranquilla narrans se queque sorte datum.
Christus ab his Jesus, Dominusque Deusque re-
[ferat.]

Omnia præcedens, omnia sponte creans.
Æterno æternus, Genitoris pectore manans,
Fillius omnipotens, Omnipotente satus.
Virginea sumens hominem matricis creatum,
Criminis expertem, terrigenique patris.
Admiranda docens, faciens miranda potenter,
Traditus in risu, fluxus et inde cruci.
D Emittens animam propria ditione beatam,
Tartaridis [Tartareis] solvens eripiensque suos.
Hinc incorruptus, triduana morte resurgens,
Libravit summis, vivida membra polis.
Consensusque throni donatus ire paterni,
Exsultat pedibus subdita cuncta suis.
Perstrictis breviter, referat quæ codicis hujus
Actio : nunc ad te, Rex bone, verto precor.
Respice devoti miseratus munia servi,
Ac miserando mei, annue grata tibi